

Lepanthes microglottis Schltr., nov. spec.

Epiphytica, erecta, pusilla, 5—7 cm alta; rhizomate valde abbreviato; radicibus filiformibus, flexuosis, glabris; caulibus gracilibus, teretibus, vaginis nigris c. 5—6, ostio paulo ampliato ovato, acuminato et costis minute papilloso-scabridis omnino obtectis, c. 0,75 mm diametro, usque ad 4,5 cm longis; folio erecto, ovali, breviter acutato vel obtuso, apice ipso sub lente minute 3-dentato, basi laticuneata breviter petiolato-angustato, usque ad 2 cm longo, supra medium vel medio usque ad 1,3 cm lato; inflorescentiis vulgo singulis vel 2—3-nis, folio bene brevioribus; pedunculo brevi, ad 8 mm longo, nudo vel subnudo, racemo ipso disticho, usque ad 5 mm longo, dense 10—15-floro; bracteis lanceolatis, acuminatis, dorso carinatis, nigris, pedicellum ovarii fere aequantibus; floribus in genere inter minores, glabris, ab apice sepali intermedii usque ad apices sepalorum lateralium c. 4 mm altis; sepalis ovato-lanceolatis, acuminatis, intermedio 3-nervio, lateralibus obliquis, 2-nerviis; petalis more generis bipartitis, transverse ligulatis, partitione inferiore oblongo-ligulata, obtusa, sepalis plus duplo brevior, partitione superiore oblique lanceolata, acuminata, inferiore duplo brevior, labello minuto, bipartito, brevissime unguiculato, basi latere utrinque semicordato-auriculato, partitionibus falcato-linearibus, acutis, medium columnae vix excedentibus; columna gracili, semitereti, apicem versus paulo incrassata, c. 0,7 mm longa; ovario cum pedicello duplo longiore graciliter cylindraceo, glabro, c. 1,5 mm longo.

Costa Rica: Tablazo, 1900. m. ü. M. — A. u. C. Brade no. 1158, blühend im August 1908.

Im Habitus erinnert die Art ebenfalls an *L. Lindleyana* Rehb. f., ist aber durch die schwarzen Scheiden der Stämmchen, die breiteren Blätter, die Form der Petalen, die bemerkenswert kleine Lippe und durch die schlanke Säule recht gut gekennzeichnet.